



Ք Ա Ղ Վ Ա Ծ Ք Ն Ե Ր

ԳԵՐԱԳՈՅՆ ՀՈԳԵՎՈՐ ԽՈՐՀՐԴԻ ՆԻՍՏԵՐԻ ԱՐՁԱՆԱԳՐՈՒԹՅՈՒՆՆԵՐԻՑ

1960 ԹՎԱԿԱՆԻ ՀՈԿՏԵՄԲԵՐԻ 5-Ի ՆԻՍՏԻՑ

ԳԵՐԱԳՈՅՆ ՀՈԳԵՎՈՐ ԽՈՐՀՐԴԻ սույն նիստում Վեհափառ Հայրապետը հանգամանորեն ղեկուցեց Հյուսիսային և Հարավային Ամերիկաներ, Պորտուգալիա և Ֆրանսիա կատարած հովվապետական իր այցելության հոգևոր, եկեղեցական և ազգային-հայրենասիրական արդյունքների մասին:

Գերագույն Հոգևոր Խորհրդի աշխարհա ընդլայնված նիստին հրավիրված էին նաև Վանական խորհրդի, Վերստուգիչ հանձնաժողովի, Վեհափառ Հայրապետի արտասահմանյան շրջագայության շքախմբի անդամները, «Էջմիածին» ամսագրի խմբագրության և Մայր Աթոռի տնտեսա-ֆինանսական բաժինների ներկայացուցիչները:

Ձեկուցման սկզբում Վեհափառ Հայրապետը ողջունեց բոլոր ներկաներին և շնորհակալություն հայտնեց Երևանում և Մայր Աթոռում սրտագին դիմավորության, ինչպես նաև իր բացակայության ժամանակ Մայր Աթոռում կատարված բազմապիսի աշխատանքների կանոնավորության և արդյունավորության համար: Ապա նորին Սրբությանը մոտ երեք ժամ խոսեց հովվապետական իր չորսամսյա ուղևորության հոգևոր, ազգային և հայրենասիրական նշանակության մասին,

սին, ճշգրտորեն տալով պատկերը ԱՄՆ-ի, Կանադայի, Արգենտինայի, Բրազիլիայի, Պորտուգալիայի և Ֆրանսիայի հայ եկեղեցական համայնքների, ազգային-եկեղեցական մարմինների գործունեության, միաթարությամբ շեշտելով ամեն տեղ հայ ժողովրդի նվիրումն ու հավատարմությունը Լուսավորչի Գահին, Նրա Գահակալին և վերածնված Մայր Հայրենիքին:

Իր ղեկուցման մեջ Վեհափառ Հայրապետը կանգ առավ նաև Լիսաբոնում Գալուստ Կյուլպենկյան հիմնարկության և նրա ղեկավարներին տված իր այցելության վրա, բարի լուրեր հաղորդելով ներկաներին Գալուստ Կյուլպենկյան կտակի հետագա հատկացումների մասին՝ Մայր Աթոռի շինարարական ձեռնարկների համար:

Վեհափառ Հայրապետի ղեկուցումը ընդունվեց խորին գոհունակությամբ: Գերագույն Հոգևոր Խորհուրդը արձանագրեց Վեհափառ Հայրապետի պատմական այս այցելության ազգային, եկեղեցական և հայրենասիրական բացառիկ նշանակությունը Մայր Աթոռի, Հայ Եկեղեցու և Սփյուռքի հայության համար:

1960 ԹՎԱԿԱՆԻ ՆՈՅԵՄԲԵՐԻ 11-Ի ՆԻՍՏԻՑ

ԳԵՐԱԳՈՅՆ ՀՈԳԵՎՈՐ ԽՈՐՀՈՒՐԴԸ սույն նիստում լսեց 1960 թվականի ընթացքում Մայր Աթոռի կողմից կատարվող շինարարական, վերանորոգչական աշխատանքների

ընթացքի մասին շինարարական հանձնաժողովի անդամ պր. Եփրեմ Ալեքսանյանի և Մայր Աթոռի գլխավոր ճարտարապետ պր. Արծրուն Գալիկյանի ղեկուցադրել:

1960 թվականի ընթացքում նոր վեհարանի վերակառուցման աշխատանքների շուրջ 60 տոկոսը կատարվել է: Նոր վեհարանը, լրիվ վերանորոգված, օգտագործման կհանձնվի 1961 թվականի աշնանը: Ամբողջությամբ թիթեղապատված է կտուրը, ավարտվել են ջրմուղի, ջեռուցման, կոյուղու, էլեկտրական գծերի անցկացման աշխատանքները: Ներկայիս կատարվում է վեհարանի շենքի ներսի ծեփը: Տեղադրվում են նորաշեն դռներն ու պատուհանները:

Դանդաղ է ընթանում տպարանի շենքի վերանորոգման աշխատանքը, մանավանդ օդափոխության սարքավորման տեղադրումը:

Օշականի Ս. Մեսրոպ Մաշտոցի եկեղեցու, իսկ Վիրապի վանքի, նոր Բայազետի եկեղեցու վերանորոգման աշխատանքները ընթանում են բավարար թափով և կավարտվեն նախատեսված ժամկետներին:

Ավարտվել են Ս. Հռիփսիմեի և Ս. Շողա-

կաթի վանքերի վերանորոգման աշխատանքները: Կանոնավոր են ընթանում Ս. Գայանեի վանքի շրջափակի պարսպապատման և միաբանական գերեզմանատան պարսպի կառուցման աշխատանքները:

Գերագույն Հոգևոր Խորհուրդը գոհունակությամբ արձանագրելով 1960 թվականի ընթացքում Մայր Աթոռի կողմից կատարված շինարարական աշխատանքների բարձր ընթացքը, զեկուցումների առթիվ կատարեց որոշ դիտողություններ, արեց թելադրություններ և կոնկրետ առաջարկներ՝ նոր թափ հաղորդելու համար 1961 թվականի շինարարական աշխատանքներին, և պարտավորեցրեց Մայր Աթոռի տնտեսական և շինարարական բաժիններին՝ ձեռք առնել անհրաժեշտ բոլոր միջոցները, ըստ նախատեսված պլանի կատարելու և արագացնելու համար Մայր Աթոռի կողմից կատարվող շինարարական աշխատանքները:

